



大明集禮

卷九

車輅

共四十一

74  
6292  
30





大明集禮卷四十一

車輅

總序

**黃帝**作車**陶唐**氏制彤車**有虞**氏制鸞車**夏后**  
 氏制錫車**殷**制大輅又有桑根車**周**官所掌天  
 子與后皆有五輅天子之輅自金輅以下臣下  
 亦得用之**漢唐**以來車輅天子至公卿皇后至  
 外命婦各有等差大抵皆倣周制而損益之也  
**國朝**自



去五味切平聲





74  
6292  
30

乘輿

中宮

皇太子諸王妃主皆乘車輅腰輿而公卿大臣則乘安車肩輿其制度各有差等今考歷代之制為車輅篇

天子車輅

**周**制王之五輅其一曰玉輅錫樊纓十有再就建太常十有二旂以祀以玉飾諸末錫馬面當盧刻金為之所謂鏤錫也樊音鞞馬大帶也纓

謂當胸也以韋為之樊纓飾以采芻就成也十有二旂也太常旂之畫日月者旂旒脚也繫於正幅以祀祀天地宗廟也二曰金輅鈎樊纓九就建大旂以賓以封同姓以金飾諸末鈎馬領之鈎也無錫有鈎亦以金為之其樊及纓以五采芻飾之而九成大旂九旗之交龍者以賓以會賓客也同姓王子母弟也三曰象輅朱樊纓七就建大赤以朝以封異姓以象飾諸末無鈎以朱飾勒而已其樊及纓以五采芻飾之而七



成大赤九旗之通帛以朝以日視朝也異姓王之甥舅也四曰革輅龍勒條纓五就建大白以卽戎以封四衛輓之以革而漆之無他飾龍讀如字驪也以白黑飾韋雜色為勒條讀為條其樊及纓以條絲飾之而五成不言樊蓋脫字耳大白殷之旂猶周大赤象正色也卽戎謂兵事四衛四方諸侯守衛者五曰木輅前樊鵠纓建大麾以田以封蕃國不輓以革漆之而已前音翦翦淺黑色也無龍勒以淺黑飾韋為樊鵠色

為纓不言就數飾與革輅同大麾不在九旗中以正色言之則黑夏后氏所建也蕃國九州之外夷服鎮服蕃服也凡五等諸侯所得輅在國及朝天子皆乘之但朝天子之時乘至天子館則舍之於館諸侯自相朝亦得乘之親迎皆乘所賜輅又有輜車卽輦也無輪用十五人而輦

**秦**平九國蕩滅典籍舊制多亡因殷桑根車似金根之色而制金根車用金為飾而為帝軫旗皂旒以從水德復法水數駕馬以六古者諸侯



貳車九乘秦滅九國兼其車服故大駕屬車八十一乘法駕半之左右分行其車皆皂蓋赤裏木輻輜戈矛弩箠尚書御史所載最後一乘懸豹尾豹尾以前為省中以輦為人君之乘

**漢制**乘輿黃屋左纛鸞旗在前屬車在後翠鳳之駕旌旗鼓車旄頭先驅旗幟尚赤大駕備車千乘騎萬疋屬車八十一乘公卿奉引太僕大將軍驂乘祀天於甘泉用之輦因秦以雕玉為之方徑六尺或使人輓之或駕果下馬

**東漢**

大駕屬車八十一乘法駕半之屬車三十六乘大駕希用惟上陵及遭大喪施之法駕公卿不在鹵簿中惟河南尹執金吾洛陽令奉引侍中驂乘奉車郎御前驅有九苻雲罕鳳凰闐戟皮軒鸞旗皆大夫載鸞旗或謂之雞翹後有金鉦黃鉞黃門鼓車屬車皆皂蓋赤裏木輻輜戈矛弩箠尚書御史所載最後一車懸豹尾豹尾以前比省中行祠天郊以法駕祀地明堂省什三祠宗廟尤省謂之小駕乘輿金根安車立車輪



皆朱班重牙金薄繆龍為輿倚較文虎伏軾龍首銜軛左右吉陽笏鸞雀立衡檠文畫軻羽蓋華蚤建大旂十有二旂畫日月升龍駕六馬象鑣鏤錫金鍍方鉞插翟尾朱蕪樊纓赤罽易茸金就十有二左纛以鞞牛尾為之在左駢馬軻上大如斗是為德車五時車安立亦皆如之各如方色馬亦如之白馬者朱其髦尾為朱鬣云所御駕六餘皆駕四後從為副車

**晉**制玉象革木等輅是為五輅並天子之法

車皆朱班漆輪畫為檠文三十輻法月之數重轂貳轄以赤油廣八寸長三尺注地繫兩軸頭謂之飛軻金薄繆龍為輿倚較為文獸伏軾龍首銜軛左右吉陽笏鸞雀立衡檠文畫轄及轄青蓋黃為裏謂之黃屋金華施撩末撩二十八以象宿兩箱之後皆玳瑁為鷗翅加以金銀雕飾故世人亦謂之金鷗車斜注旂旗於車之左右加祭戟於車之右皆橐而施之祭戟韜以蔽繡上為莖字繫大蛙蟆幡軛長丈餘於戟之杪



以犛牛尾大如斗置左駢馬軛上是為左纛轅  
 皆曲向上取禮緯山車垂句之義言不揉而能  
 自由也王金象三輅各以其物飾車因以為名  
 革者漆革木者漆木其制玉輅最尊建大常十  
 有二旂九仞委地畫日月升龍以祀天金輅建  
 大旂九旒以會萬國之賓亦以賜上公及王子  
 母弟象輅建大赤通赤無畫所以視朝亦以賜  
 諸侯革輅建大白以即戎亦以賜四鎮諸侯木  
 輅建大麾以田獵其麾色黑亦以賜蕃國王輅

駕六黑馬餘四輅皆駕四馬馬並以黃金為文  
 髦插以翟尾象鹿而鏤錫金鏤而方釤金鏤謂  
為文旄以鏤為之其大三寸中央兩頭繁纓赤  
高如山形貫中以翟尾而結著之也  
 芻易茸金就十有二五輅皆有錫鸞之飾和鈴  
 之響鈎膺玉瓊鈎膺繁纓也瓊龍輶華轡輶車  
頭為龍象轡謂車朱幘幘飾也法駕  
衡上環受鸞者也  
 行則有五輅各有所主不俱出臨軒大會則陳  
 乘輿車輦旌鼓於其殿庭車坐乘者謂之安車  
 倚乘者謂之立車亦謂之高車按周禮惟王后



有安車也王亦無之自漢以來制乘輿乃有之  
有青立車青安車赤立車赤安車黃立車黃安  
車白立車白安車黑立車黑安車合十乘名爲  
五時車俗謂之五帝車天子所御則駕六其餘  
並駕四建旂十二各如車色立車則正豎其旗  
安車則斜注駕馬亦各隨五時之色白馬則朱  
其鬣尾左右駢駢金鑊鏤錫黃屋左纛如金根  
之制行則從後五牛旗平吳後所造以五牛建  
旗車設五牛青赤在左黃在中白黑在右小出

卽乘輦

宋玉輅依晉金根車加赤漆標畫以玉飾諸末  
建青旗十有二旒駕玄馬四復因漢之安車施  
羽葆蓋以祀以金飾爲金輅建青旗駕玄馬四  
羽葆蓋以賓象革木輅並擬玉輅象輅視朝革  
輅卽戎二輅並建赤旂駕玄馬四木輅建赤麾  
以田駕赤馬四大事法駕五輅俱出孝建中尚  
書令王宏議屬車起秦八十一乘及三十六乘  
並不出經典自胡廣蔡邕傳說耳又是從官所



乘非副車正數江左五乘則儉不中禮帝王文物旗旒皆十二為節今宜依禮十二乘為制

**齊**因宋金根車而修五輅先青次赤次黃次白次黑依行運之色也

**梁**五輅旗麾同用赤而旂不異亦從行運所尚其小輿似輅車金裝漆畫元正大會乘出上殿西堂舉哀亦乘之行則從後又制步輿方四尺上施隱膝人輿上殿天子至下賤通得乘之復制副輦加笨步本反如犢車通憶朱絡謂之蓬輦

**陳**五輅皆金薄交龍為輿倚校文豹伏軾虬首銜軛左右吉陽甯鸞雀立衡檠文畫轡綠油蓋黃紋裏相思撩金華末邪注旂旗於車之左各依方色加祭戟於車之右韜以黻繡獸頭幡長丈四尺懸於戟杪玉輅正副同駕六馬餘皆駕駟並金文髦挿於翟尾玉為鏤錫以綵畫蛙蟆幡綴兩頭易漢之飛輪五輅兩箱後皆玳瑁為鷗翅金銀雕飾兩箱裏衣紅錦金花帖釘上用紅錦為後檐青紋純帶花簾各綺繡褥



**後魏**車輅各依方色駕五馬無經據

**後周**輅有十二等一曰蒼輅以祀昊天上帝二曰青輅以祀東方上帝三曰朱輅以祀南方上帝及朝日四曰黃輅以祭地示中央上帝及夕月六曰玄輅以祀北方上帝及感帝神州此六輅通漆之而無他飾卽周木輅遺象也馬皆䟽面之旂就以方色俱十有二七曰玉輅以享先皇加元服納后八曰碧輅以祭社稷享諸先帝食三老五更享諸侯耕籍九曰金輅以祀星辰

視朔十日象輅以望秩羣祀十一曰革輅十二曰木輅此六輅漆畫之玉碧金象革物飾諸末錫面金鈎就以五采俱十有二其輅之飾重輪重較加葦馬皇帝之輅輿廣六尺有六寸畫輪輈衡以雲牙箱軾檟文內畫雜獸獸伏軾鹿倚較三辰之常玄青蒼等旗畫繪之六仞曳地設和鑾以節趨行圓蓋方輿以象天地

**隋**玉輅青質重箱盤輿左龍右虎金鳳翅畫檟文軾左立燾金鳳一在軾前八鑾在衡二軫在



軾龍輈之上前設障塵青蓋裏繡旂帶金博山  
綴以鏡子下垂八珮樹四十葆羽輪皆朱班重  
牙復轄左建太常十有二旂皆畫升龍日月其  
長曳地右載闕戟長四尺闊三尺黻文旗首金  
龍頭銜鈴及纓垂以結綬駕蒼龍金鏤方鉉插  
翟尾五焦鏤錫鞶纓十有二就皆五采繒刻為  
節天子祭祀納后則乘之金輅赤質左建旗畫  
飛皂右建闕戟盤輿鳳等並同玉輅駕赤騮臨  
朝會同饗射飲至則乘之象輅黃質左建畫旂

麟右建闕戟駕黃騮祀后土則乘之革輅白質  
輓以革左建旗畫騶虞右建闕戟駕白駝巡守  
臨兵則乘之木輅黑質漆之左建旒畫玄武右  
闕戟駕黑騮田獵則乘之其輅並駕六馬馬旒  
同玉輅復置安車重輿曲壁紫油纁朱裏通幃  
朱絲絡網朱鞶纓駕赤騮臨幸則乘之文帝既  
平陳因爲法令憲章往古大駕依秦法駕依漢  
小駕依宋煬帝大業初復備大駕八十一乘復  
改爲三十六乘法駕用十二小駕除之輦不施



輪通幟朱絡飾以金玉而人荷之又依梁制副輦復制輿如輦而小宮苑私宴御之小輿方形同幄帳自閤內升殿御之

**唐**制玉輅者祭祀納后所乘也青質玉飾末金輅者享射祀還飲至所乘也赤質金飾末象輅者行道所乘也黃質象飾末革輅者臨兵巡守所乘也白質輓以革木輅者蒐田所乘也黑質漆之五輅皆重輿左青龍右白虎金鳳翅畫宣文鳥獸黃屋左纛金鳳一鈴二在軾前鸞十二

在衡龍輓前設障塵青蓋三層繡飾上設博山方鏡下圓鏡樹羽輪金根朱班重牙左建旂十有二旒畫升龍其長曳地青繡網杠右載闌戟長四尺廣三尺黻文旂首金龍銜錦結綬及縷帶垂鈴金鏤方鈿插翟尾五焦鏤錫鞶纓十二就旌旗蓋鞶纓皆從輅質唯蓋裏皆用黃五輅皆有副耕籍所乘也青質三重蓋餘如玉輅安車者臨幸所乘也金飾重輿曲壁紫油縑朱裏通幟朱絲絡網朱鞶纓駕赤騮副輅耕根車安



車皆八鸞四望車者拜陵臨吊所乘也制如安

車青油纁朱絲絡網又有屬車十乘一曰指南

車黃帝與蚩尤戰於涿鹿蚩尤作大霧將士皆迷四方黃帝作指南車以示方故後常建焉

南公時越裳氏來獻使者迷其歸路周公為司

四方後漢張衡始復制造魏制車上有木仙人

手常指南晉大駕出行為先啓之乘宋齊梁因

之唐備二日記里鼓車劉裕滅後秦所獲未詳

於大駕由來制如指南車駕四馬中有木人執

其所由來制如指南車宋因之大駕鹵簿次指

向鼓行一里則擊一槌宋因之大駕鹵簿次指

南車後梁駕以三曰白鷺車白鷺車隋制一名

樓上有鸞栖馬四曰鸞旗車漢制鸞旗車在

唐因之駕四馬

之駕五曰辟惡車秦制上有挑弘葦矢六曰皮

軒車皮軒車漢前驅車以虎皮為軒取曲禮前

大夫載自後無七曰羊車羊車晉制一名輦齊

聞唐備於大駕羊車晉制一名輦齊

辨髻小兒數人引之貴賤通乘亦名率子隋制

金寶飾童子二十人年十五者乘之小吏駕

果下馬其大如羊唐與耕根車四望車安車為

因之小吏十人與耕根車四望車安車為

十乘耕所乘晉制如副車有三蓋一曰芝車親

以青為質駕六馬唐因之駕四馬置耒耜於軾上隋

幢絡班漆輪轂亦曰皂輪以加貴臣隋制同犢



漢以後亦為副車唐以金飾行幸陳于鹵簿則分前後大朝

會則分左右太宗貞觀元年始加黃鉞車漢制在大

駕後晉駕一馬次於華蓋後御麾左右又有金鉞車金鉞車並駕三馬豹尾車尾豹

車周制象君子豹變以尾者言謙也軍正建之

漢大駕出最後一乘懸豹尾豹尾以前比之皆

中晉因之在鹵簿末唐駕二馬通為屬車十二乘以為儀仗之

用大駕行幸則分前後施於鹵簿之內若大陳

設行則分左右施於儀仗之中高祖太宗大禮

則乘輅高宗不喜乘輅每有大禮則乘輦玄宗

以輦不中禮廢而不用開元十一年冬祀南郊

乘輅而往禮畢騎還自是行幸郊祀皆騎於儀

仗之內其五輅腰輿陳於鹵簿而已輦有七一

曰大鳳輦二曰大芳輦三曰仙遊輦四曰小輕

輦五曰方亭輦六曰大玉輦七曰小玉輦輦有

三一曰五色輦二曰常平輦三曰腰輦大駕鹵

簿先五輅以行

**宋**玉輅青飾輅頂天輪三層塗以綠青羅為衣

繡雲龍於上上層一重下層二重每重綴鍍金

小鈴三層飾以玉耀葉八十一用青玉為之以



金鍍銀鏤龍文置于中兩傍有金花挿天輪之  
周回形如蕉葉輪傍有鐵圓筩耀葉之下皆有  
鐵簪入筩中繫以青帶圍以輪衣又青羅兩長  
幅表裏繡雲龍自輅頂交於四角分垂至輅臺  
下謂之絡帶或遇雨覆以黃絹油衣軸之中其  
頂中虛繡寶蓋闔以八頂飾以八金龍用香檀  
木為之御座居中純用香檀不飾他物取黃中  
正色也座之左右金龍首銜珠穗毬一中兩龍  
間一大火珠乘以金蓮花臺座之引手亦飾金

龍倚背及座皆以金銀絲織成紋錦曲几用香  
檀覆以錦褥御座後垂錦簾駕登輅則捲之有  
梯級以登飾以金綵雲龍每級皆覆以錦褥東  
偏小梯級執綏官由此先登以紅繩維其前立  
于東柱以備顧問輅身四柱皆飾以金前兩柱  
各有大金龍纏於上傍有珠穗毬二輅臺中外  
皆設錦褥臺之外前有橫按謂之香檀設金鑪  
一金香合二立金鳳十二于前案外有金纏龍  
臺二以金覆蓮葉足案前裙板有四金龍間玉



方勝以明青表而出之前有牌篆書玉輅二字以玉為之有結子繫金鳳之足旁有二金絲線結八垂牌之兩傍中有玉連環結子正垂牌上玉環碾二龍絡之四面周以欄而闕其中以備登降每面於兩欄之角用玉蹲龍一各有金圓照二分置左右玉羽臺一居中插孔雀羽五枝以辟塵四面其數凡八圓照倍之圓照名曰照焰插以鐵簪繫以繡帶如耀葉之飾輪衣下垂纓帶間以玉珮覆綴以鍍金鈸鈴每垂各六與

玉珮間設周圍數各十二輅下有蹲龍十六以金鍍銀為之在虛盤四圍之兩傍有托角雲龍四金彩為飾前後左右各二又有一字小欄飾以金伏于輅下有朱圓木橫於轅前在托角雲龍之內輅前有轅木固以筋膠飾以金碧昂首鱗體如龍之狀皆飾以金龍首之上有兩橫竿青絲繫之前曰鳳轅飾以青列立鳳十二六馬載以行次日推轅綠色黑文衛士推之以助馬力其橫設轅後曰壓轅亦青飾衛士壓其後欲



取其平左右冒以金龍其輪三歲一易心用榆木束以鐵圈掩以金鍍銀輅下橫貫圓木爲軸冒以金筒以金蹲龍簪夾兩輪輪文皆綵繪其輻飾以金花葉衛士左右各六十人以青絹裹大索鈎於軸首而手入軸傍金鑠引之而前各以青索置扇上外有副輪二以爲備飾亦如之立鳳轅下六青馬四在轅內二在轅外又有六馬以備番用馬首被銅面其額以畫獸銜以鐵牛黃裏青絹表鍍金銅飾之其背屨表以綵錦

裏以青絹裹羶六鈴七鈸置之兩傍其領下青纓曰綽頰覆以金鈸每馬各一輅之所止有行馬二飾以彩綵左建太常十二旂繡日月五星右龍旂職掌駕士二百三十八人服平巾幘絹抹額羅繡對鳳袍皆以青緋羅繡對鳳襖又羅抹帶絹袴襪麻鞋皆青色青駉馬三十匹執綏官一負捧輪將軍四人呵唱二人前後攔馬各九人踏道二十二人轅馬十二人誕馬十二人抱轅墜轅各六人正副托叉各四人把棒四人



大月集禮 卷四十一  
小梯二人香匙翦二人紅軸頭二人推杆四人  
刮輪四人龍頭二人燭臺二人靜席二人左右  
索各六十一人職掌五負教馬二人車子官健  
八人蓋覆儀鸞司五人千牛衛上將軍二負抱  
龍旂太常六負進馬四負牧馬三十人香蹬睥  
睨一排列官一負金輅色以赤駕六赤馬駕士  
六十四人象輅色以淺黃駕六赭白馬駕士四  
十人革輅色以黃駕六騮馬駕士四十人木輅  
色以黑駕六黑騮馬駕士四十人自金輅而下

其制皆同玉輅惟無玉飾副玉輅副金輅副象  
輅副革輅副木輅並駕六馬駕士四十人當用  
銀飾者皆以銅餘制如正輅 耕耨車如五輅  
之副駕六青馬駕士四十人 進賢車古安車  
也赤質兩壁紗牕擎耳虛攢一轅緋幘衣絡帶  
門簾皆繡鳳紅絲網中設朱漆床香案紫綾案  
衣緋繒裏輓索朱漆行馬駕士二十四人 明  
遠車古四望車也駕四馬赤質制如屋重攔勾  
闌上有金龍四角重銅鐸上層四面垂簾下層



周以花轆三板駕士四十人 羊車亦為畫輪  
車駕以牛後改駕以果下馬二赤質兩壁畫龜  
文金鳳翅緋憶衣絡帶門簾皆繡瑞羊童子十  
八人 指南車一名司馬車赤質兩箱畫青龍  
白虎四面畫花鳥重臺勾闌鏤拱四角垂香囊  
上有仙人車雖轉而手恒指南一轆鳳首駕四  
馬駕士三十人 記里鼓車一名大章車赤質  
四面畫花鳥重臺勾闌鏤拱行一里則上層木  
人擊鼓十里則次層木人擊鐺一轆鳳首駕四

馬駕士三十人 白鷺車赤質上有朱柱貫五  
輪相重輪衣以緋皂頂及緋絡帶立繡飛鷺柱  
杪刻木為鷺銜鵝毛簫紅綬帶一轆駕四馬駕  
士十八人 鸞旗車赤質曲壁一轆上載赤旗  
繡鸞鳥駕四馬駕士十八人 崇德車古辟惡  
車也赤質周施花板四角刻辟惡獸中載黃旗  
亦繡此獸太僕署令一人在車中執旗駕四馬  
駕士十八人 皮軒車赤質曲壁上有柱貫五  
輪相重畫虎文駕四馬駕士十八人 黃鉞車



赤質曲壁中設金鉞錦囊綢杠左武衛隊正一人  
 在車中執鉞駕兩馬駕士十五人 豹尾車  
 制同黃鉞車上載朱漆竿首綴豹尾右武衛隊  
 正一人執之駕兩馬駕士十五人 屬車黑質  
 兩箱舉衰前有曲闌金銅飾上施紫通幃絡帶  
 門簾皆繡雲鶴紫網幘銛每乘駕三牛駕士十  
 人 大輦赤質正方油畫金塗銀葉龍鳳衰其  
 上四面行雲龍朶火珠方鑑銀絲囊網珠翠結  
 條雲龍佃窠霞子四角龍頭銜香囊頂輪施耀

葉中有銀蓮華坐龍紅綾裏碧牙壓帖內設圓  
 鑑銀絲香囊銀飾勾闌臺坐紅絲條網幘銛中  
 施黃褥置御坐扶几香爐錦結綬几衣輪衣絡  
 帶並緋繡壓金銀錢長竿四銀裹鐵錫龍頭魚  
 鈎錦膊褥銀衰畫梯托义黃羅綠席褥幘梯杖  
 褥朱索緋繒油帊主輦六十四人 腰輿前後  
 長竿各二金銅螭頭緋繡鳳裙欄上施錦褥別  
 設小床緋繡花龍衣奉輿十六人  
 元玉輅青質金裝青綠藻井栲栳輪蓋外施金



裝雕木雲龍內盤碾玉福海圓龍一頂上匝以  
金塗鑰石葉八十一上圖九者二中圖九者三  
下圖九者四頂輪衣三重上二重青繡雲龍瑞  
草下一重無文輪衣內黃屋一黃素紵絲瀝水  
周垂朱絲結網青紵絲繡小帶四十八帶頭綴  
金塗小銅鈴青紵絲繡絡帶二頂輪平素面夾  
用青紵絲蓋四周垂流蘇八飾以五采茸線結  
網五重金塗銅鈸五金塗木珠二十有五又繫  
玉雜佩八珩璜衝瑤全金塗鑰石鈎掛十六黃

茸貫頂天心直下十字繩二各長三丈蓋下立  
朱漆柱四柱下直平盤虛櫃中櫺三十下外枕  
二漆繪犀象鸚鵡錦雉孔雀隔窠嵌裝花板櫃  
周朱漆勾闌雲拱地霞葉百七十有九下垂牙  
護泥虛板并朱漆畫瑞草勾闌上玉行龍十碾  
玉蹲龍十孔雀羽臺九水精面火珠七金圈焰  
銅照八輿下周垂朱絲結網飾以金塗鑰石鐸  
三百綵畫鑰石梅萼嵌網眼中輿之長轅三界  
轅句心各三上下龍頭六前轅引手玉螭頭三



大日集禮 卷四十一  
三  
枕頭十六絰以蹲龍轅頭衡一兩端玉龍頭二  
上列金塗銅鳳十二舍以金塗銅鈴輿之軸一  
輪二軸之擘羅二明轄蹲龍銓並青漆輪之輻  
各二十四轂首壓貼金塗銅轂八十一金塗鑰  
石擊耳戀攀四櫃之前朱漆金裝雲龍輅牌一  
牌字以玉裝綴輅之箱四壁雕鏤漆畫填心隔  
窠龜文花板上層左畫青龍右畫白虎前畫朱  
雀後畫玄武輅之前額玉行龍二奉一水精珠  
後額如之前兩柱茸鈴索五貼金鸞和大響銅

鈴十金塗鑰石雙魚五下朱漆軾櫃一櫃上金  
香毬金香寶金香合銀灰盤各一並黃絲綬帶  
輅之後朱漆後鞞一金塗曲戍黃紵絲銷金雲  
龍門簾一緋紵絲繡雲龍帶二輅之中金塗鑰  
石較碾玉龍椅一靠背上金塗圈焰玉明珠一  
左建太常旂十有二旂青羅繡日月五星升龍  
右建闌戟一九旂青羅繡雲龍中央黃羅繡青  
黼文兩旗綢杠並青羅旗首金塗鑰石龍頭二  
金塗鑰石鈸青纓綏十二重金塗木珠流蘇十



二重龍椅上方坐一綠褥一皆錦銷金黃羅夾  
帕一方輿地褥二句闌內褥八皆用雜錦綺青  
漆金塗鑰石鉸葉踏道一小褥五重青漆雕木  
塗金龍頭行馬一小青漆梯一青漆柄金塗長  
托叉二金塗首青漆推竿一青茸引輅索二各  
長六丈餘金塗銅環二黃茸綏一輅馬誕馬並  
青色鞍轡鞅勒纓拂靽並青韋金飾誕馬青織  
金紵絲履四青羅銷金綃裏籠鞍六蓋輅黃綃  
大蒙帕一黃油綃帕一駕士平巾大袖並青繪

紵絲為之金輅赤質金飾內盤真金福海圓龍  
輅馬誕馬並赤色駕士並衣緋象輅黃質象飾  
內盤描金象牙雕福海圓龍輅馬誕馬並黃色  
駕士並衣黃革輅白質革鞅內盤描金白檀雕  
福海圓龍輅馬誕馬皆白色駕士並衣白木輅  
黑質漆之內盤描金紫檀雕福海圓龍輅馬誕  
馬並黑色駕士並衣紫餘皆同玉輅之制 腰  
輿以香木後背作山子牙嵌七寶裝 象轎賀  
以象凡巡幸則御之



皇后車輅

周制皇后之五輅重翟錫面朱總厭翟勒面績總安車雕面鷲總皆有容蓋翟車貝面組總有幄輦車組輓有翼羽蓋凡言翟者皆謂以翟雉之羽為車兩傍之蔽也重則以二重為之厭則相次以厭其本單言翟者不重不厭但以翟飾車之側爾安車無蔽坐乘車也凡婦人車皆坐乘而此獨謂之安車者以其無重翟厭翟翟車輦車之名無異物之稱故獨稱安車也輦車無

飾但漆之而已錫面以錫飾馬面也勒面以韋為當面飾也雕面則雕之而已貝面以貝飾勒之當面也朱總謂以朱繒為飾著馬勒直兩耳也績總畫文為飾也鷲者青黑色組總以組織為總也容謂車帷蓋謂車蓋有幄則無蓋矣翼所以禦風塵也羽蓋以羽作小蓋以翳日也重翟后從王祭祀所乘厭翟后從王賓饗諸侯所乘安車后朝見於王所乘翟車后乘以出桑輦車后居宮中從容所乘為輅輪而人輓之以行



者也

**漢**制皇后駕輅青羽蓋駕四馬旆九旒

**東漢**

太皇太后皇太后皇后法駕皆御金根車重翟羽蓋加青交絡帷裳其非法駕則乘紫罽輅車雲旗文畫輶黃金塗五末蓋施金花駕三馬左右駢晉制后乘重翟羽蓋金根車加青絡青帷裳雲旗畫輅黃金塗五末蓋施金華駕三馬左右駢其廟見小駕則乘紫罽輅車飾及駕馬如重翟非法駕則皇太后乘輦皇后乘畫輪車皇

后先蠶乘油畫雲母安車駕六騄馬

騄淺油畫黑

兩轅安車駕五騄馬為副又金博山輅車紫絳

罽輅車皆駕三騄馬為副

**宋**因晉制法駕乘重翟先蠶乘油畫雲母安車

**齊**制皇后乘重翟車碧旂九旒棨戟

**後魏**皇后之輅其從祭則御金根車親喪則御

雲母車歸寧則御紫罽車遊行御安車吊問御

紺罽車並駕四馬

**後周**皇后之車十二等一曰重翟以從皇帝祀



大日集禮 卷四十一 二十四  
禱享先皇朝皇太后二曰厭翟以祭陰社三曰  
翟輅以采桑四曰翠輅以從皇帝見賓客五曰  
雕輅以歸寧六曰象輅以臨諸道法門六輅皆  
鈎面朱總金鈎七曰蒼輅以適命婦八曰青輅  
九曰朱輅十曰黃輅十一曰白輅十二曰玄輅  
五時常出則供之六輅皆䟽面績總

**隋**重翟青質金飾諸末朱輪金根朱牙其箱飾  
以重翟羽青油幢朱裏通幟綉紫帷朱絲絡網  
綉紫絡帶八鸞在衡鏤錫鞶纓十二就金鏤方

鉞插翟尾朱總駕蒼龍受冊從祀郊禱享廟則  
供之厭翟赤質金飾諸末輪畫朱牙其箱飾以  
翟羽紫油幢朱裏通幟紅錦帷朱絲絡網紅錦  
帶餘如重翟駕赤騶親桑供之翟車黃質金飾  
諸末朱輪畫朱牙飾以翟羽黃油幢黃裏通幟  
白紅錦帷朱絲絡網白紅錦絡帶餘如重翟駕  
黃騶歸寧則供之諸鞶纓之色皆從車質安車  
赤質金飾紫通幟朱裏駕四馬臨幸及吊則供  
之鞶金飾同於蓬輦通幟班輪駕四馬宮苑近



行則乘之屬車三十六乘

**唐**因隋制重翟厭翟翟車安車其飾不易又制四望車紫油朱質通畫絡帶拜陵臨吊則供之又制金根車朱質紫油通憶油畫絡帶朱絲絡網常行則供之

**宋**皇后唯用厭翟車其制箱上有平盤四角曲闌兩壁紗窓龜文金鳳翅前有虛櫃香爐香寶緋綉憶衣絡帶門簾三轅鳳首畫梯推竿行馬緋繒裏索駕六馬金銅面纓轡鈴鞞緋髹駕士

三十人武弁緋綉衫常出止用副金塗銀裝白藤輿各一上覆椽招屋同乘輿平頭輦之制

**元**皇后出入用象輦

**國朝**

皇太子車輅

**周**禮金輅建大旂以封同姓

**漢**皇太子皆安車朱班輪飛軫青蓋塗花倚虎伏鹿櫺文畫輪吉陽籥文金塗五末旂降龍皇太子為王賜以乘之皇孫綠車以從皆左右駢



三馬名皇孫車

**魏**因漢制文帝問東平王有輅為是特賜乎鄭稱對曰天子五輅金輅以封同姓諸侯得與天子同乘金輅非特賜也

**晉**皇太子安車因魏制而駕三馬非法駕則乘畫輪車上開四望綠油幢朱綵繩絡兩廂裏飾以金錦黃金塗五末其副車三乘形制如所乘但不畫輪耳王青蓋車皇孫綠蓋車並駕馬左右駢  
**東晉**安帝時皇子乘後山安車制如金

輅

**宋**因晉制皇子為王亦錫以皇太子之安車皇孫綠車亦因舊法

**齊**皇太子乘象輅校飾如御旂旗九旒降龍

**梁**皇太子皇子因齊象輅制鸞輅駕三左右駢朱班輪倚獸較伏鹿軾九旒降龍青蓋畫轡文軒文金塗五末以畫輪車為副其畫輪車上開四望綠油幢朱繩絡兩箱裏飾以金錦

**後魏**太子乘金輅朱蓋赤質駕四馬



隋皇太子金輅赤質金飾諸末重較箱畫楹文  
鳥獸黃伏鹿軾龍輶金鳳一在軾前設障塵朱  
蓋黃裏畫朱牙左建旂九旒右載闔戟旂首金  
龍頭銜結綴及鈴綏駕赤騮駟八鸞在衡二鈴  
在軾金鑊方鈿插翟尾五焦鏤錫鞶纓九就從  
祀享廟正冬大朝納妃則乘之 輅車金飾諸  
末紫通憶朱裏駕一馬五日常朝及朝饗宮官  
出入行通乘之 四望車金飾諸末紫油幢通  
憶朱裏朱絲絡網駕一馬吊臨則乘之

**唐**太子車輅因隋制親王象輅

**宋**皇太子謁太廟乘金輅常朝則乘馬親王乘  
革輅

**國朝**

皇太子乘金輅

皇太子金輅制度

輅身一乘四柱朱紅漆金貼銅葉段金  
貼銅釘子裝釘前左右二柱描  
一升一降金龍二條上四面花



板四片中四面頰板八片下左  
右并後三面花板每面六片花  
板皆青地上粧五采蟠龍

天輪三層用朱紅漆上安金貼銅耀葉  
七十二片紅羅絡帶二條繡升  
降龍二條

珮八吊用金貼銅為之相間纓帶掛天輪上  
纓帶八吊每吊用青紅白黑四色絲結  
成五層每層用金貼銅大鉸子

一箇金貼銅小鉸子九箇

闔八頂紅地上描金升降龍八條頂心

照子一箇周圍青斗拱外邊四

花板紅地描金雲朶

平盤四邊護盤長花板青地每邊粧五

采龍一條下虛櫃四向花板青

地每向九片粧五采翔禽海獸

內左右二面用托角霞龍四箇

粧五采明金用釘處用金貼銅



釘裝釘

一字构欄在輅南牌邊花板一層中四片左右各一箇青地描金龍四條用釘處用金貼銅葉金貼銅釘子裝釘

四角构欄周圍輅身外四向皆通門每向兩角花板各二層共八片青地描金龍各八條每角用寶照一箇嵌以金貼銅火焰立羽臺

二箇四向欄柱並作金貼銅座龍用釘處用金貼銅葉金貼銅釘裝釘

車輪輪質朱紅用五采漆龍二條輻質朱紅轂質亦朱紅五采漆龍二條俱用金貼銅葉金貼銅釘裝釘軸頭金貼銅鍍面軸上金貼銅龍頭挿栓二箇

長轅三條轅首金貼銅龍首三箇轅身



紅朱漆泥金龍鱗轅後金貼銅轆頭

轅上有立鳳橫竿用朱紅漆竿兩頭金

貼銅龍頭二箇竿上金貼銅立

鳳九箇鳳銜金貼銅鐸兒九箇

抱轅竿一根紅地描金花兩頭金貼銅

轆頭

紅旗二面內左旗竿頭金貼龍頭旗身

上用全幅兩面皆繡龍一條下

用九幅內外皆繡升龍五條降

龍四條相間右竿頭用金貼銅

戟旗身上用全幅外一面繡散

內一面繡龍一條下用九幅內

外皆繡升龍五條降龍四條相

間竿頭垂鈴鐸兩箇上各垂紅

流蘇九箇下並垂紅絲結子

輅牌朱紅漆造兩旁描升降金龍上下

用描金雲朵

輅中座椅朱紅漆造靠背兩頭金貼銅



龍頭二箇椅手龍頭二箇脚踏  
納板並朱紅漆座褥脚踏褥子  
並繡團龍七條不坐則以紅帕覆之  
曲几用紅朱漆四色藥玉珠為楮網象  
牙滴子不用以紅帕覆之

香櫃用朱紅漆金貼銅葉金貼銅釘裝  
釘金貼銀香爐一箇金貼銀香  
合一箇金貼銀燭臺一對金貼  
銀香匙筋一副

踏梯用朱紅漆造金貼銅葉及金貼銅  
釘子裝釘不用以紅帕覆之  
執綏官踏梯用紅漆

軟簾一把用青錦上有金貼銅鉢遮那  
一副金貼銅挂搭鴈鈎四箇  
拽索用紅絲成造

淨蓆一領用紅絹椽  
朱紅漆把叉二件  
朱紅漆合蟬梯一副



朱紅漆小木梯一副

朱紅漆行馬二座金貼銅葉金貼銅

裝釘

妃主命婦以下車輅

**東漢**長公主乘赤芻輅車大貴人公主王妃封君油畫輅車大貴人加節畫輅皆右駢公列侯夫人會朝若親蠶各乘其夫之安車右駢加交絡帷裳皆同非公會不得乘朝車得乘漆布輅輅銅五末

**晉**三夫人油輅車駕兩馬左駢貴人加節畫輅三夫人助蠶乘青交絡安車駕三皆以紫絳芻輅車九嬪世婦乘輅車駕三長公主赤芻輅車駕兩馬公主王太妃皆油輅車駕兩馬右駢公主油畫安車駕三青交絡以紫絳芻輅車駕三為副王太妃三夫人亦如之公主助蠶乘油畫安車駕三公主有先置者乘青交絡安車駕三諸王妃公太夫人夫人縣鄉君諸郡公侯特進夫人助蠶乘皂交絡車駕三諸侯監國世子之



世婦侍中常侍尚書中書監令卿校世婦命婦  
助蠶乘皂交絡安車儷馬郡縣公侯中二千石  
二千石夫人會朝及蠶各乘其夫之安車皆右  
駝皂交絡皂帷裳自非公會則不得乘朝車止  
乘漆布輜駟銅五末而已王妃特進夫人封郡  
君安車駕三皂交絡封縣鄉君油駟車駕兩馬  
右駝

**宋**公主安車以紫絳罽駟車為副駕三九嬪世  
婦駟車駕一王妃特進夫人封君皂交絡安車

駕三其貴人公主王妃封君油駟駕二右駝公  
列侯中二千石夫人會朝及蠶所乘依漢故事  
**齊**皇子妃厭翟車如重翟飾而微減油輅畫安  
車公主王妃三公特進夫人所乘正副皆依漢

晉

**梁**長公主公主諸王太妃皆得乘青油榻幢通  
幃車榻幢涅幃為副皇女諸王嗣子侯夫人皆  
乘赤油榻幢車以涅幃為副侍女聽涅幃二乘  
**北齊**因魏制其諸公主乘油朱絡網車車中飾



用金塗及純銀

**後周**諸公夫人之輅車九厭翟翟輅翠輅皆錫面朱總金鈎雕輅篆輅皆勒面績總朱輅黃輅白輅玄輅皆雕面諸侯夫人自翟輅而下八諸伯夫人自翠輅而下七諸子夫人自雕輅而下六諸侯夫人自篆輅而下五鞶纓就數各視其君三妃三公夫人之輅九篆輅朱輅黃輅白輅玄輅皆勒面緇總夏篆夏縵墨車駃車皆雕面騶總三妣由力反三孤內子自朱輅以下八六嬪

六卿內子自黃輅而下七上下媛婦中大夫孺人自夏篆而下四女御婉士婦人自夏縵而下三其鞶纓就各以其等皆簞蒨漆之君以赤鄉大夫士以玄君駕四三駟六轡卿大夫士駕二一駟四轡

**隋**皇太子妃乘翟車以赤為質駕三馬畫轅金飾犢車紫幟朱網絡良娣以下並乘犢車青幟朱裏三公夫人公主王妃並犢車紫幟朱網絡五品以上並乘青幟與其夫同



唐內命婦夫人乘厭翟車嬪乘翟車婕妤以下乘安車各駕二馬外命婦公主王妃乘厭翟車駕二馬自餘一品乘白銅飾犢車青通幃朱裏油幢朱絲絡網駕牛二品以下去油幢絡網四品青偏幔

宋內外命婦之車銀裝白藤輿檐內命婦皇親所乘白藤輿檐金銅犢車或覆以氈或覆以椶內外命婦通乘

國朝

公卿以下車輅

周禮象輅以封異姓革輅以封四衛服車五乘孤乘夏篆卿乘夏縵大夫乘墨車士乘棧車庶人乘役車服車者服事之車夏篆謂五色畫轂約夏縵亦五采畫而無篆墨車不畫但以漆革輓車而已棧車不革輓但漆之而已役車方箱可載任器以供役者也

漢六百石以上施車轡得銅五末輓有吉陽簫二千石以上右駢三百石以上皂布蓋千石以



上皂繒覆蓋二百石以上白布蓋皆四維杠衣  
賈人不得乘馬車吏亦蓋杠其餘皆青 **後漢**  
公卿乘安車朱班輪倚鹿較伏熊軾皂繒蓋黑  
輜右駢中二千石二千石皆皂蓋朱兩輜千石  
六百石朱左輜長六尺

**晉制**三公九卿河南尹郊廟明堂皆大車立乘  
駕駟前後導從大車駕二右駢他出乘安車其  
去位致仕告老賜安車駕四郡縣公侯安車駕  
二右駢皆朱班輪倚鹿較伏熊軾黑輜皂繒蓋

中二千石二千石皆皂蓋朱兩輜銅五末駕二  
中二千石以上右駢千石六百石朱左輜車輅  
長六尺

**宋制**追鋒車雲母車四望車公及列侯所乘安  
車依漢舊制駕二馬旂旗旂王公侯七卿五皆  
降龍公卿中二千石郊陵法出皆大車立乘駕  
四他出及去位致仕者皆安車四馬二千石皆  
皂蓋朱輜銅五末駕二右駢王公之世子攝命  
治國者安車駕三旂旗七旂侯世子五旂



齊制黃蓋車建碧旂九旂九命上公所乘青蓋安車朱轡班輪駕一左右駢通幃車為副諸王禮行所乘皂蓋安車朱轡漆班輪駕一通幃朱車為副三公禮行所乘安車黑耳皂蓋朱轡駕一牛車為副國公列侯禮行所乘馬車駕一九卿領護二衛驍游四軍五校從郊陵所乘餘同晉法

梁二千石四品以上及列侯皆給輅車駕牛伏兔箱青油幢朱絲絡網轂皆黑漆天監二年令

三公開府尚書令給鹿轡輅施耳後戶皂輜尚書僕射左右光祿大夫侍中中書監祕書監給鳳輅輅後戶皂網領護國子祭酒太子詹事尚書侍中列卿等給聊泥輅無後戶漆輪車驃騎及諸王除刺史帶將軍給龍雀輅以金銀飾御史中丞給方蓋輅形小如傘諸王三公有勲德者皆特加皂輪車駕牛形如犢車但烏漆輪轂黃金雕裝上加清油幢朱絲絡通幃王公加禮者給油幢絡車駕牛朱輪華轂

陳因梁制



**後魏**三公及王車朱屋青蓋制同五輅名曰高車駕三馬庶姓王侯及尚書令僕以下列卿以上並給輅車駕一馬或乘四望通幃車駕一牛

**北齊**制庶姓王儀同三司以下翟尾扇傘皇家及三品以上官青傘朱裏其青傘碧裏達於士人不禁正從一品執事散官乘油朱絡網車車牛飾得用金塗及純銀三品乘卷通幃車車牛金飾七品以上乘偏幃車車牛金飾以銅

**後周**諸公之輅九方輅各象方色碧輅金輅皆錫鞶

纓九就金鈎象輅犀輅貝輅革輅篆輅木輅皆疏鞶纓九就皆以朱白蒼三采諸侯自方輅而下八無碧輅諸伯自方輅而下七又無金輅諸子自方輅而下六又無象輅諸男自方輅而下五又無犀輅凡就各如其命三公之車輅九祀輅犀輅貝輅篆輅木輅夏篆夏纓墨車轎車自篆以下金塗諸末錫鞶纓金鈎木輅以下銅飾諸末疏鞶纓皆九就三孤自祀輅而下八無犀輅六卿自祀輅而下七又無貝輅上大夫自祀



輅而下六又無篆輅中大夫自祀輅而下五又無木輅下大夫自祀輅而下四又無夏輅士車三祀車墨車駟車凡就各如其命數自孤以下就以朱綠二采

**隋**制公及一品象輅黃質象飾諸末建旗畫以鳥隼受冊告廟升壇上任親迎及葬則乘之侯伯及二品三品革輅白質建旗畫以熊虎受冊告廟親迎及葬則乘之子男及四品木輅漆飾建旒畫以龜蛇受冊告廟親迎及葬則乘之象

輅以下游及就數各依爵品犢車則魏武賜楊彪七香車也駕牛自王公以下至五品以上並給乘之三品以上通幃朱裏五品以上紺幃碧裏皆銅裝唯有祭謁及吊喪者則不張幃而乘鐵裝車六品以下不給任自乘犢車弗許施幃

**唐**制王公以下車輅親王及武職一品象輅自餘及二品三品革輅四品木輅五品輅車象輅朱班輪左建旂旗畫龍一升一降右載闔戟革輅以革飾左建壇餘同象輅木輅以漆飾之餘



大正集卷之十一  
同革輅輶車四壁青通憶諸輅質蓋旂擅皆朱  
一品九旂二品八旂三品七旂四品六旂其有  
鞶纓就數皆准此三品以上珂九子四品七子  
五品五子六品以下去通憶及珂王公車輅藏  
于太僕受制行冊命巡陵婚葬則給之餘皆以  
騎代車

**宋**群臣車輅鞍馬之制親王一品奉使及葬並  
給革輅制同乘輿之副惟改龍飾為螭六引內  
三品以上乘革車赤質制如進賢車駕四赤馬

駕士二十五人緋纓衣絡帶旗戟綢杠繡文司  
徒以瑞馬京牧以隼御史大夫以獬豸兵部尚  
書以虎太常卿以鳳縣令乘輶車黑質兩壁紗  
總一轅金銅飾紫幘衣絡帶並繡雉御瑞草駕  
二馬駕士十八人百官常朝皆乘馬鞍勒之制  
金塗銀裝牡丹花校具重八十兩紫羅繡寶相  
花雉子方韉油畫鞍橋白銀銜鐙以賜宰相親  
王使相殿馬馬軍步軍都指揮使金塗銀裝太  
平花校具重七十兩紫羅繡瑞草方韉油畫鞍



大日集禮 卷四十一 早一  
橋陷銀銜鐙以賜樞密使副使叅知政事節度使殿前馬軍步軍副都指揮使都虞以上若出使則加紅氍牛纓金塗銀鉞使相外加紅織成鞍複步軍都虞侯以上賜帶甲馬者加紅皮鞞轡校具重一十七兩青氍圓韉陷銀銜鐙金塗銀開裝麻葉校具重五十兩紫羅剡花方韉油畫鞍橋陷銀銜鐙以賜三司使文明資政翰林龍圖樞密直學士御史中丞兩使留後觀察防禦使廂都指揮使軍箱都指揮使初出受團練

使刺史者賜亦同金塗銀三環寶相花校具重二十五兩紫羅圓韉烏漆鞍橋銜鐙以賜團練使刺史金塗銀促結路州花校具重二十兩紫羅圓韉以賜諸路承受白成重十五兩以賜諸王官寮翰林侍讀侍書金塗銀寶相花校具重二十兩蠻雲校具重十五兩以賜諸班押班殿前指揮使以上白成窪面校具重十二兩以賜諸班皆藍黃絕圓韉

國朝



大明集禮卷四十一



